



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

46. Defectionibus luminum quid agant Sinae.

urn:nbn:de:hbz:466:1-10757

nisi quod poterat circumuolui; vt etiam tertium quod verticale circulos erectum referebat: gradus illorum notabant globuli vt possent tactu numerari; sua lingua Sinensi, singulis epigraphes inerant in quibus partis cuiusque explicatio charactere patrio legebatur, cum nominibus syderum octo & viginti, quæ in Zodiaco nostris duodecim respondent. Videbantur autem astronomica hæc arma fusa sub gradu & elaborata sexto tricesimo, atque inde Nanchinum ab iis translata qui essent eorum planè rudes. Vidi & Pechini his adeò gemina, vt manus eiusdem possit labor censeri, peregrini fortassis astrologi; quod fabricata sint cum Sinis Tartari portarentur, hæc de mathematicis organis Riccius, quæ vtraque in aula, ostentatio vna, & curiositas asseruat, nullo præterea illorum vsu vel pretio, vtilior multo Ceucuni Regula qui fuit Sinarum Ptolemeus annis mille ducentis eo antiquior. Vixit is Tenfum in Prouincia Honana, quam idcirco Sinenses mundi iactitant umbilicum, quod ab extremis Sinarum finibus distet æqualiter, extra quos vix esse somniabant quod mundi nomine dignarentur. Monstratur illic hodie turris, cuius in specula Ceucunum fama est noctes duxisse peruigiles, seruandis syderum motibus, ortu, & figura. Extat erecta ad perpendicularum Regula supra laminam ex ære amplam, Orizonti peritè coæquatam, certisque tum hæc, tum Regula mensuris consignantur, quæ sunt nunc etiam Mathematicis Sinarum commodæ, habent Sinæ duo istorum Collegia Pechini vnum, Nanchini alterum Astronomicis Regis. vrobiique egregiè organis instructi; noctes è turribus perpetuas vigilant, & cœlum mutatis vicibus obseruant, ecquid nonæ flammæ, inuisi syderis, inusitati luminis, signive alterius appareat, vt hoc ad Regem mox perferant, quidve id portendat inter se statuant. Horum item è calculo defectiones celestium lumen expectantur, quo nullum est vniuerso regno negotium grauius. De hoc ab aula cursoris in Prouincias mittuntur, qui Magistribus urbium, diem, horam, adeoque momentum prænuntient laboratæ deliquio luna; iubeant ab ipsis, & sacrificulis idolorum, absque numero conchas, pelues, tympana & quicquid aliud altius sonorum & turbulentius streperum, haberi ad manum expedita, vt conspicati sydus obscuritate iam aliqua mordeni omnem exerant instrumentorum illorum cantum, stragores, & strepitus, quoad astro sua redeat claritas; ad exterrendam, inquiunt, draconis ingluiem, deuoraturi alioquin, & absorpturi lunam: at quanto id scilicet mundi damno? bardum planè, ac stolidum ignoratae Astronomiæ timorem! in hominibus alias ingenio præditis, libique plurimum de celi cognitione placentibus, quos adhuc Draconis fabula, & nomen latuerit. Sed hanc illorum ignorationem excusat grauior; nunquam boni viri, planetarum motus aut intelligere ipsi potuerunt, aut annis ab hinc trecentis quinquaginta, voluere ab Arabibus disceere, nec habent qui norit, vna sphæra omnes, an pluribus voluantur; excentricorum, & epicyclorum peregrina sunt iis nomina, & quod hinc sequitur, igno-

44.
Astronomi-
ca Regula
Ceucuni.

45.
Mathem.
Regis.

46.
Defectioni-
bus lumen
quid agant
Sinæ.

F

ta ratio , stationum , & motuum , quibus agi diuersis , & subinde contrariis videntur , ne durationes quidem præscire valent eclipseon quarum , ex solis & lunæ ascensu mensura ducitur , quin & fallit eorum algorismus in prædicendis illarum initiiis , & quidem haud vna vel duabus , sed decem interdum tardius , aut citius horis ; cuius in decursu operis exempla videbimus nimium luculenta . Non quod planè ignorant parallaxas , seu diuersos aspectus in defectionibus diurni syderis , cum æquè à vero aberrent , siue illas contingat in meridiano , siue in utrovis Orizontis extremo fieri : habent quidem eorum antiqui auctores canonem subducendi de spatio temporis , si ante meridiem , solem defec-
tus luminis occupet ; addendi vero , si post meridiem , sed neque is ca-
non mensuram temporis præscribit , nec ipsi tantum potuerunt ut il-
lam inuenirent , aut assequerentur eius causam ; produnt illorum histo-
riæ , quinquagies quinques emendatas ab iis sui Calendarij tabulas er-
rante semper in cœli motibus calculo ; absoluta demum earum corre-
ctio PP. Adamo Scial , & Iacobo Rhô debetur : annis retro trecentis
quinquaginta , suscepta fuerat à Tartaro Iueno , tunc Sinis imperante ,
& Cosceucino commissa , cui parem non viderat illa ætas , fuitque
nunc etiam à gradu nono , & decimo , ad septimum , & sexagesimum
Septentrionem versus , adisse singulas Tartarorum & Sinatum vrbes ,
ac poli vbique accuratissima obseruatione altitudinem emensum per
gradus , & minuta , comprehendisse illam iusto volumine qui labor fuit
annorum sedecim .

47.

Solstitionum
Hibern. Si-
nenses Astro-
nomos regit.

Verum hæc , ne quid dissimilem , tam rudiis apud Sinas cœli cogni-
tio , illorum ingenia mirifice illustrat , quod nullis muniti sciendi prin-
cipiis ex quibus Astronomia canones , & abacos ducerent , demonstra-
tionibus Geometricis respondentēs , eò tamen suas obseruationes , men-
tis acumine promouerunt , vt artem ex iis sibi conflauerint , haud aliunde
quā à se inuentam , nec multum à vero aberrantem , cuius hic sal-
tem vestigium , libenter opinor eatum rerum non planè impediti legent .
Regulam igitur orgyiarum octo ad perpendicularum erigunt , in omnes
partium diuisam minutias ; umbram notant quam in plano mittit , eas-
dem pariter cum regula tributo in partes , & Orizonti coæquato , um-
bras eius obseruant triduum ante solis hybernam stationem ; tantum-
dem , statim post . Punctum enim hoc solum satagunt certò statuere (vt
primum arietis in verno æquinoctio solum inquirimus) inde umbra-
rum illarum extremis , adæquatarum cum aliis , postquam multas simul
in idem incidere multis locis notarint , ex iis medium punctum consti-
tuunt (quod solstitij quæsiti sedes est) referuntque in diem , horam , &
momentum in quod inciderit : quanquam umbræ tunc circa solstitium eò
sint minus certæ , quod ex solis propinqui ardoribus largius vaporan-
tur ; nec ipsi solis diametrum attendant , sed inumbratum regula lumen
uniuersum , velut è medio dumtaxat solis punto , seu centro progeni-
tum spectent . Sic deprehensa est ab Sinis absoluta circuli mensura quem
cœlum